

# R A T I O N E S

31603/II

*Quod non tantum expediat, sed etiam necesse sit Academiam Leopoli in Collegio Patrum Societatis I E S V erigere.*

1. **R**atio. Erectio Academix in Collegio PP. Soc: I E S V Leopoli: magnoperè est necessaria ad Fidei & Romanæ Ecclesiæ inter Hæreticos & Schismaticos defensionem & propagationem, ad cuius efficaciam plurimum conferent literarij honores, & promotionis gradus, vt Doctores Catholici Doctoribus Schismaticis opponantur, & maiore cum authoritate Catholicam Doctrinam promoucant.

2. In præteritis Comitibus concessa sunt Ruthenis duæ Academiae: altera Kiiouæ resuscitanda, altera vbi illis libcret, erigenda; Patribus Soc: saltim vna concedatur. Et si tunc, quando istæ Academiae concedebantur, Academia Cracouiensis sua Iura & Priuilegia non opponebat, cur modo opponit?

3. Si Rutheni erigerent Leopoli suam Academiam, magnæ sine dubio essent dissensiones inter hos Academicos & Collegij Societ: I E S V Studiosos. Cum igitur in præteritis Comitibus obtinuerint Rutheni licentiâ erigendi Academiam in eo loco, quem elegerint, ne eligerent Leopolim, omninò necesse erat eos præuenire impetratione Priuilegij ad Academiam in Coll. PP. Soc. I E S V erigendam.

4. Vt Vniuersitas erigatur in Coll. PP. Soc: I E S V Leopoli, expectunt Illustr: Russiæ Magnates, & tota illarum terrarum Nobilitas, vt habeant vicinior doctrinarum emporium, quàm sit Academia Cracouiensis. Id ipsum expetiit à S. R. M. per Illustris: ac Reu: D. Regni Cancellariū D. Nicolaum de Prazmow Prazmowski meritissima de Repub: Ciuitas Leopoli, speratq; se hoc promeritorum suorum præmium & ornamentum consecuturam.

5. Polonia & Magnus Ducatus Lithuania gaudent suis Catholicis Academiis, cur non gaudeat eodem præsidio & ornamento Russia?

6. Tam amplum est Regnum Polonia, vt quemadmodum non vnus tantum fontis, ita nec vnus duntaxat vniuersitatis sit capax.



Gloriatur Vniuersitas Cracouiensis adinstar Patauinæ & Bononiensis Vniuersitatis se esse fundatam; vt igitur non solum Patauium, nec sola Bononia, sed Patauium cum Bononiâ totam Italiâ clarificat, quemadmodum ait VLADISLAVS IAGELLO in Statuto Herburti; ita Academia Cracouiensis non ambiat sola Vniuersitatem Poloniam, Russiamq; clarificare, sed in consortio clarificandi Leopolum compatiatur.

7. Tâmet si PP. Soc: IASV obtinuerint olim à Sede Apostolica decretum Studiosos, externos in suo Collegio Cracouiensi docendi, cessare tamen eo tempore Reipub. voluntati. Cum igitur nunc erigere velint remotiorem ab Vniuersitate Cracouiensi Academiam nullo ipsi in tantâ locorum distantia impedimento futuram, sperant à Rep. huius suæ voluntatis approbationem.

8. Nec est metuendum, ne exorians Academia Leopoliensis antiquissimam atq; celeberrimam Vniuersitatem Cracouiensem extinguat. Propagabit illa suum splendorem meritis, promotionibus, doctrinâ, & nominis suis celebritate, magnamq; Polonæ iuuentutis partem ad se trahet.

9. Facessat scrupulus, quo quidam anguntur, dum existimant se erectioni Academiæ Leopoliensis assentiri non posse, ne rei iuramenti existant, quo se quondam obstrinxerant ad tuendam Academiam Cracouiensem, eiusq; honorem defendendum, quia illud solum cadit sub iuramentum defendendi honorem & Præiulia Academiæ Cracouiensis, quod est Præiulium vel honor illius, sed non permittit in toto Regno Poloniæ ullam aliam Vniuersitatem nec est Præiulium, nec honor Academiæ Cracouiensis. Non Præiulium; hoc enim nullibi extat. Non honor; quis enim dixerit arrogantiam monarchiæ scientiarum & libertati Reipublicæ, quam habet ad concedendas alias Academias, & remotiori à Ciuitate Cracouiensi Russiæ Nobilitati præiudiciosam, esse honorificam Cracouiensi Vniuersitati? Igitur non permittit aliam in toto Regno Vniuersitatem non cadit sub iuramentum defendendi honorem & Præiulia Academiæ Cracouiensis. Vnde sequitur non esse contra iuramentum Academiæ Cracouiensis. Vnde sequitur non esse contra iuramentum Academiæ Leopoliensis.

10. Erectio Academiæ in Collegio PP. Soc: IASV Leopoliensi,  
nulli



nulli fusi vel Priuilegio Academia Cracouiensis derogat. Potest igitur propter allatas rationes à Rep. approbari & confirmari.


Quod non derogat, manifestè patet, quia id in nullo iure vel Priuilegio legitur, quod sola Academia Cracouiensis debeat esse in toto Polonia Regno, & nulla alia in vllâ eiusdem Regni Ciuitate erigi possit. Proferant Academici Cracouienses ex omnibus iuribus & Priuilegiis suis vel vnicum textum, in quo id scriptum sit. Videntur maxime inniti verbis illis, quæ in Diplomate Erectionis suæ Vniuersitatis a VLADISLAVO IAGELLONE sibi dato legunt. *Fiatq; ibi fons Doctrinarum irriguus, de cuius plenitudine hauriant Vniuersæ literarum cupientes imbui ornamentis.* Hinc enim inferunt solam Academiam Cracouiensem in toto Polonia Regno debere esse Vniuersarum Doctrinarum fontem, nec posse in vllâ aliâ Regni Ciuitate alium fontem aperiri, ex quo prosuant Vniuersæ Doctrinæ. At non dicitur in hoc Diplomate. *Fiatq; tantum ibi fons Doctrinarum,* sed dicitur, *Fiat ibi fons doctrinarum &c. vbi Cracouiæ.* Quibus verbis non vetat VLADISLAVS IAGELLO fontem Doctrinarum in aliâ etiam Ciuitate Regni temporibus consecuturis aperiri; sed tantum significat se eo tempore, quo Priuilegium conferebat, Cracouiæ illum aperire. Nec est credibile VLADISLAVM IAGELLONEM eo Priuilegio Vniuersitatem doctrinarum ita restrinxisse ad solam Ciuitatem Cracouiensem, vt eam noluerit in suâ etiam auitâ Ciuitate, nempe Vilnæ, vnquam erigi. Sicur igitur Lutherani ex eo, quòd fidem legant in scripturis sacris iustificare, non rectè inferunt, solâ fidè iustificare; ita qui in Priuilegio Iagellonis legunt, Academiam Cracouiensem Cracouiæ esse fontem doctrinarum, non bene inferunt solam Academiam Cracouiensem debere esse fontem doctrinarum in toto Polonia Regno, nec posse aliam Vniuersitatem doctrinarum in aliâ Ciuitate Regni institui.

Interea PP. Soc. Jes y ab Illustrissimis Ordinibus humillimè petunt, vt aduertant, quàm ob causam Academia Cracouiensis eo tempore, quòd percrebuit erectio Academiae Leopoliensis, sua iura & Priuilegia à Rep. confirmari velit, & quid hisce iuribus suis Priuilegijsq; prætendat. Si enim illis hoc prætendit, quòd Rationibus contrà Erectionem Academiae Leopoliensis editis conatur persuadere, videlicet vi suorum iurium & Priuilegiorum solam tantum in  
toto



in toto Poloniae Regno debere esse Vniuersitatē Cracouien: nec posse  
aliam in aliquā eiusdē Regni Ciuitate excitari Vniuersitatē; siq;  
in eo sensu vult sua iura & Priuilegia confirmari; non patiatur Sa-  
pientissima Reip. talem interpretationem, quam nullo modo ver-  
ba Priuilegii significant, ad confirmationem sibi obtrudi, nec li-  
bertatem suam, quam habet ad alias etiam Vniuersitates in Regno  
Poloniae instituendas, eā confirmatione coarctet. Quin immo palā  
ostendat se eam libertatem habere approbando & Comitālī Consti-  
tutione confirmando Erectionem Academiae Leopoliensis, non  
obstantibus Priuilegijs & iuribus Academiae Cracouiensis, quibus ea  
Erectio haud quidquam derogat.

Hanc breuem informationem PP. Societatis Ias v Prouinciā  
Poloniae Illustrissimis & Amplissimis Regni Ordinibus venerabundē  
deserunt, & submisisse petunt, vt in hac causā, quā ad vtilitatem,  
consolationem & gloriam Reip. refertur, beneuolentiam omnium  
experiantur, & Erectionis Academiae in Collegio Leopoliensi Ap-  
probationem Constitutione Comitālī confirmatam obtineat. Prae-  
cipuē tamen suorum quondam discipulorum opem implorat So-  
cietas, quos tam in sapientissimo Senatu, quā in Eruditissima  
Nobilitatis coronā Reipubl. negocia summa cum dignitate tra-  
ctant, & magno suo solatio conspiciunt, gratulaturq; Deo, quod etiam  
ex Collegijs & Vniuersitatibus suis Viri dignissimi  
prodeant.



*Cum Licentiā & Approbatione Illustr. ac Reuer. Loci Ordinarij.*

**V A R S A V I A E.**

*Apud Viduam & Heredes Petri Elert, S. R. M. Typ.*

*Anno Domini, 1661.*

BIBLIOTH.

VNIV.



ACADEMIAE

CRACOVIAE